

所損如是之恠尤衆不可具紀楊氏素聞
真君之靈乃躬持香燭等馳赴焚禱具言其
恠且求驅珍

真君降言曰汝當速歸吾令守真繼往也守
真尋再拜而往其家士民觀者填溢其戶守

其易衣整冠呪水揮劍行於四隅其怪即寂
然無聲守真謂楊氏曰此妖伏矣請為黥以

祛之向夕結壇焚章禮畢而去一城之衆稽
首稱歎守真既歸楊氏隨詣官中陳醮以謝

又富民劉文臻者忽為狐鬼所惑心神恍惚
動止不寧市中逢道流語曰子面有妖氣必

為邪物所著

真君下降可虔心禱之必愈斯疾文臻乃自

齋香燭晨夕馳赴中路為鬼物所迫或為僧

尼婦女或為商賈萬端誘惑不進文臻既迷

且惑復遇道流於路具告其故道流謂曰是

皆鬼物也汝宜徑往無或退志為羣妖所害

文臻心悟不數日奔迫至宮禦齋懇至百拜

殿下

真君降言曰知汝遠來吾令守真為汝除

邪是夕守真立文臻於庭中守真仗劍嚙水
呵叱數四文臻懵然踣於地移時而起曰滴
先生呵叱之際見數人若神將者各擒二鬼
而去文臻惶駭不覺顛仆令神思清爽如酣
醉之始醒也百拜而去

羽聖保德傳卷中

正一天師清微弟子 洪百堅 製作
道教學術資訊網站

羽聖保德傳卷下

陸三

南齊書曰守真下世者種粟養蠶無天憂憂其

自

真君之臨降官吏民庶不遠千里或馳誠遙
禱或齋潔朝拜以祈真受時有所聞大抵多

隨其性習加以訓勗人臣依於忠人子依於
孝清淳者示之格言貪酷者警以要道詞甚

平易頗叶音韻然後聞之者至寡今據其所
傳錄之如左

乾德中驪山白鹿觀道士馮洞元朝禮之次
焚香虔告曰洞元講孔子之書依老子之教

積有年矣而修身鍊行未得真旨幸逢

上聖敢求一言

真君降言曰到境始知安形忙靈物闕真空

須照達幽微即大運動觀無障礙希夷合自

然功成神莫測變化可冲天去住由自己三

官救舊愆命曹除罪簿六丁奏上天衆生要

修道須知无上源洞元百拜虔謝而去開寶

中侍御史路冲奉詔知鳳翔府就宮禮請守

真就府署中陳醮祈降是夕梁齋致禱曰冲

身拘職守阻拜真儀輒以頓藻度折降鑿乞賜真語以導蒙昧

真君降言曰盡力事君以為忠臣濁財勿顧罪事莫聞整雪刑獄救療人民動合王道終為吉人積愆為咎必有沈淪衆生本無形之

性配有形之軀曠劫以來不能自悟自有无極世界不夜之鄉混合太虛杳冥同理又曰六合乾坤內衆生多不會造業向前行如盲

鷺江海如將智惠觀自越千重海冲拜拜錄而誦之左補闕王龜從一日齋心詣宮焚香懇禱曰凡庸賤類蒙咎無涯幸逢上真願賜靈誨如何修身得獲遐壽

真君降言曰勸汝修煉莫如精勤精勤不怠上聖皆聞太平降世用武興文無文則不正用文則益君食禄利勿違王命行吉善但守

清貧清貧者響合天地濁富者像火投冰投冰者火緣漸滅積惡者自貫其身自貫者殃及七祖地府下痛害及親吾懸千尺之索提釣有緣之人道之尊德之貴大道能生一切物衆生頭像天足像地中心空然合真理鑿

戶牖以為室房室之中有一物亦無影亦無形杳杳冥冥人不識若能識者得長生陽在天陰在地二氣同和誠有謂空中造化乃自然自然之中生萬類天不高地不卑大道混合虛元理學道衆生審欲聞此是修行崇妙

門開寶中丞相沈倫嘗連綿卧疾度心遣使詣宮陳醮致告曰倫濁穢之質病惱所侵如何修行得免茲惠敢祈聖語以導愚蒙

真君降言曰靈物不病形軀自安形軀有病返照而看來人錄之歸致於倫倫捧覽之驚喜曰吾得之矣尋而疾愈復遣人詣宮黜謝道士王德淵因遊終南山寓止宮中勤奉香火好養生而性褊多所恚怒忽一日

真君降言謂之曰汝學道修真先當調習其性以順天和忘諸有為勿耗心誠融怡凝湛道乃可見復戒之曰莫管內莫管外來往真

虛无星礙所居安樂是汝家各自勤行莫相待先達之人難滯礙真空妙樂有天堂與聖相同滅諸罪又曰妙理須行到周旋皆合道舉措見真空真空無煩惱混合太虛中自有

無聲樂地爐天竈間背凡歸聖道常將智慧觀可向今生了德淵曰上感

真君降言教示不曉前篇內與聖相同滅諸罪願垂誨諭

真君曰汝若除煩入靜鍊心修真積累其功數盈之後泥丸百節元神靈通而自同於聖天堂妙樂無所不至豈更有諸罪也故言與聖相同滅諸罪太平興國中駕部員外郎李

鑄嘗知鳳翔府備觀靈應俄復奉詔監宮凡十餘年志頗嚴潔

真君前後降語僅十餘篇其存錄者數首一曰建隆之初方稟希夷

上帝命吾衆聖皆知乘龍下降列宿相隨五嶽受命主張地祇潛扶社稷密佐明時吾要李鑄知吾降期不得輕泄免漏天機又曰與吾獨異佐國與吾以道理民與吾慈善理家與吾不飲自醉醒時理民醉時理神此語是延年益壽之法吾勸府主記取又曰為官求理在貞明智惠俱通臨事清觀天行道合陰德食君爵禄常若驚為吾洗心復換骨背凡

入聖奔長生天宮快樂勝凡世不夜之鄉挂
 一名又曰府主累世為人降生中國與吾清
 直莫行邪曲與吾積善累功與吾佐輔明主
 與吾洗雪黎民與吾掛心刑獄上帝若知名
 天官也剋取捨住世輪流之財但修取有形
 之像獲隨身之功得无量之福與吾不得因
 循不奈時光迅速靈官賞汝功勳天曹與汝
 添福若一一依吾聖言必得延年益壽又曰
 年登七十餘住世不久居饒君壽百歲問汝
 得幾秋地府直須怕冥司難請求有功無驚
 懼積罪必遭誅子孫難替代早覺莫癡愚又
 曰有緣無緣福業相牽有緣福至無緣業纏
 三業大罪信根不圓若遵吾語如倚太山又
 曰聽吾之言必延汝年亦將康健保安自然
 志誠不退修真理今生若在
 玉皇前又曰為汝度心星辰下降來駕於玄
 風去乘於法雨開盲愚之耳目迴積惡之人
 心盡歸投正路因汝離告上玄惡人盡來歸
 敬此汝之功也吾已與汝聞於
 上帝俾汝獲福也汝宜清者重清白者重白

明者重明勿初勤末怠中路變異迴清為濁
 迴善為惡設靈官奏聞
 上帝若知有誤於吾也又七月十日夜真君
 降言汝忠勤奉
 國惠愛治民更要用心勿違吾誠未遇吾之
 前所作諸惡吾與汝並銷除也遇吾之後況
 無諸業左右已錄汝功也更須晨夕與吾積
 其善功勿得怠惰吾聖言也又曰但行
 王事洗雪冤沉常差靈官護助汝也或有諸
 事常行平正依吾聖言況是太平君治化諸
 事前程汝但莫憂又云托托莫憂煩軍府自
 然安每事依王道從他天下傳又曰為主度
 誠拜上玄
 宋朝社稷係長安不久太平天下樂一家受
 福管長安又曰為主合度誠將心助太平天
 官繫其職每事更宜精聚聖皆知汝舉措直
 須驚一朝功滿後永住者三清又曰生前莫
 亂憂已後亦無愁主判陽間事凡人得幾秋
 但依聖言著長生天上求鑄每受一篇未嘗
 不晨夕誦誦焉又嘗謂鑄曰汝年及八十別

無修鍊之功未免掩形升魂亦當有所主宰
 耳符再拜曰此生得遇上真下降屢受秘語
 他日僕獲主掌願與守真同列
 真君曰人間官職守真不及汝天上名位汝
 不及守真也但心歸真正升仙階亦有時矣
 淳化中西京留守中書令趙普嘗遣使備禮
 致醮度祈願聞休咎
 真君降言曰趙普扶持社稷甚有功勳上天
 所知賜汝福壽以大妨小幽府亦有寬對當
 啓誦真經告祈天地首職前非吾亦與汝達
 于上帝庶解茲咎汝官職壽數已有限矣其
 使錄之而去普跪讀感涕因焚詞謝過復遣
 人詣官醮設給事中參知政事賈黃中嘗遣
 人投誠致禱以祈聖誨
 真君降言曰
 聖主命臣之事君道佐當代心依古人善
 惡無隱蔽邪必聞君臣合道可立功勳又曰
 愛民用心賞罰平等但依吾語合家保安殿
 中承張卓嘗乞
 聖言真君曰

大道養汝性陰陽生汝身為吾勸行道為吾勤修真公廉常用意憂恤在乎民遇時佐明主清濁

上帝聞濁富然不久清貧為天人莫教人道富從他人笑貧自有真富富清高不愧貧又

曰形凡性不凡為國顯清廉家積千餘口有罪自家擔又曰但服陽和氣天竈再重蒸地

爐別有用道德日日新延命積福應真空若至親虛無有妙理度脫有緣人道士周務本

嘗詣宮奏詞一通乞降真語

真君降言曰汝有詞言慕上天其如心意隔

關山仙宮不遠如指掌內外功夫全未圓陰官察錄無道過免墮鄴都數百年依吾所語

合吾道要履三清應不難張守真子元濟常齋戒詣宮

真君降言曰汝父守真遭逢於吾故令子孫受福汝豈不知信州龍虎山張道陵至今子

孫不絕亦逢於上聖得道之後廢及後世汝亦於吾有緣直

須在家孝於父母食祿忠於帝王立身揚名

豈非好事又諺之曰無事莫街行動學必立名揚名在天下道廢有長生又諺曰為過自家知善惡日相隨分明違天道問汝阿誰癡

淳化中

真君降言示守真曰當今顯聖明修德動

三清上天歸正道四海息交兵八方欽膺聖

五穀盡收成勸君須修德

上帝賜長生又曰關西賊寇緣應時數官家須指揮招捉使臣莫殺平人

官家修德之際正賊須翦滅又嘗降言誡輔

道士曰千人心不同萬人心皆錯舉意不相通與聖難相約

真君又嘗降言戒官吏等曰每存忠信齊其天文武班行自有賢為主萬年安基業常憂

黎庶恐飢寒長行德行合其道燒香虔祝告

虛玄但願

國安

君長久齊心輔佐太平年又嘗降言戒朝臣

等曰擎天之柱著功勳包羅大海佐

明君文王治世及堯日輔弼乾坤在忠臣為

主直須行決烈死生齊却戴皇恩常行吉善合其德慎終如始莫憂身

進

翊聖保德真君事迹表

臣欽若言臣聞

高穹眷命

元聖膺期必有

至神幸彰幽贊謨訊標於保又雅頌載於監

觀考今古之冥符見

天人之交感臣欽若誠慶誠抃頓首頓首

伏以

靈源錫羨

炎德嗣興

景祚有開

丕徵允赫惟

玉晨之元輔奉

金闕之明威降精爽不貳之民顯陰陽莫測

之造佐

大邦之啓運告

神宗之紹圖兆自幾先聳手聞聽由是增隆

華飢茂篤

微稱

鉅典崇嚴

純禧響答乃至搢紳卿士橫目烝黎稽首以

瞻粹容洗心以佇

靈語隨其性之遠近視其器之淺深時亦戒

以微音警其蒙惑

諄諄之誨咸洞其隱微蚩蚩之氓潛識其

真正或醜魅為孽真鼎之所未利或膏肓致

妖秦醫之所難究亦復俯聆虔懇遙授指蹤

真教根臨羣邪必殄窮冥之象既炳於人寰

颺歎之遊巫還於

霄極永載

苾芬之祀潛施

瞻祐之祥凡厥

秘言悉存舊錄將伸論次以示方來敢謂微

臣猥蒙明詔齋精仰誦盟手兢持莫覓淵沖

粗伸細繹竊念

上真之茂瑤寶為

昭代之明徵豈夫庸瑣之才輒敢形容其事

伏望

崇文廣武儀天尊道寶應章威

聖明仁孝皇帝陛下垂旒注覽

援翰摛文

賜名以紀

芳艷

作序以冠篇首式彰

寅奉永耀

洪休臣無任瞻

天望

聖戰汗屏營之至其所錄成

翊聖保德真君事迹三卷謹隨表上進以

聞臣欽若誠惶誠懼頓首頓首謹言

開府儀同三司書門下正奉直學士魏國公孫承恩表

批答

省表具之夫妙道為大本於若沖至神無方

昭乎善應惟

玉虛之元輔冠瓊簡之真階幽贊財成豈彰

陰陽當藝祖之受命降福壤而炳靈運

文考之紹休告

帝期而啓兆式申美報肇建殊序奉檮檜之

嚴科介蒼黔之丕祉若乃夷微委鑿於蟹攸

憑示諄誨以惟勤昭明威而匪測恍予之應

循響泠然之馭亟旋自朕纂承寅加崇奉嚴

辟儀於恭館薦嘉號於元都念秘語之具存

表格思之攸感期於綜緝以耀休微卿任冠

樞衡道熙邦采雅資博洽庶就編聯而能細

細帙以惟精封經囊而來上懇求製序復冀

命名載循淺昧之辭易叙直聰之烈勉從勤

請良積醜數嘉尚之懷寤與無捨所請宜依

崇寧三年四月十八日使命到官齋降到

真君加號

初語語曰門下惟皇

上帝粵有輔臣以赫厥靈終南之下屢膺景

貺增煥褒章

翊聖保德真君降言於建隆之初顯告於開

寶之末大庇下土衛我家邦作宮奉祠昭答

如響顧眇質之誕育寔欽慈之密析吉事有

祥敢忘美報夫至誠能感克應乃享所儲維

何萬世之慶合為丕號申命用休朕典

神天永緝然于純嘏風翔府上清太平宮明
聖係德真君可特加明聖應感儲慶保德真
君

明聖保德傳卷下

廬山太平興國宮採訪真君事實序 陸四
夢當時使者之語以謂後五百年福及生靈
以曆考之自開元辛未距今行及五百年矣
元宗皇帝建祠以事而使者之名顯國朝累
聖宗奉神宗皇帝虔進聖號徽宗皇帝加上
寶冊而使者之位益重祀典益崇禮意益至
殊祥異貺影從響答其在斯歟義問來九江
適太守大卿胡公紡以清靜理郡政民神協
從甲戌春舉行舊典以義問攝祀事于太平
興國宮禮畢因觀山川之勝穹隆磅礴層見
疊出不可名狀是宜高真之所慎擇也官之
道士有向師尚者清修自持且有心於闡宗
立教以使者應化之迹泯泯未傳求義問編
次義問不敢以鄙陋辭謹列于左方紹興二
十四年中元左朝奉郎通判江州軍州事兼
管内勸農營田事賜緋魚袋葉某謹序

廬山太平興國宮採訪真君事實卷之一
分真初始類

考原

謹按

太上三天正法經云九天真王與元始天王
俱生始炁之先天炁未明鬱結未澄混沌太
虛浩瀚流冥七千餘劫元景始分九炁摩存
相去九萬九千九百九十歲有重君法開時
既有一炁相去九萬九千九百九十歲
十九百九十里為一歲清炁高澄濁炁下布
九天真王元始天王稟自然之炁故稱九天
之號九天司命者萬物受生之真宰也九天
丈人者亦真景德之宗師也九天使者監御
萬靈之貴神巡察三界賞善罰惡之總司也
又九天鳳炁元丘太真書云太上丈人下授
五嶽君却禍除殃其中曰九天真王者伏千
神使衆靈又南唐降現真圖記稱使者真君
有五號一曰九天真王二曰朱陵上帝三曰
火鍊真人四曰南上真君五曰九天採訪使
者
上帝錫之七暎平華九德偃月金辰玉冠九